



REPUBLIKA E KOSOVËS / REPUBLIKA KOSOVA

GJYKATA THEMELORE MITROVICË - DEGA E GJYKATËS LEPOSAVIQ

Numri i lëndës: 2023:230404

Datë: 19.04.2024

Numri i dokumentit: 05595211

P.nr.70/2023

NË EMËR TË POPULLIT

GJYKATA THEMELORE NË MITROVICË – Dega në Leposaviq, Departamenti i Përgjithshëm-Divizioni Penal, Gjyqtarja e vetme gjykuese Qëndresa Tahiri- Islami, me bashkëpunatore profesionale Edita Koliqi, në çështjen penale ndaj të pandehurit: B.V, për shkak të veprës penale: Kalim i paautorizuar i vendkalimeve kufitare ose i vijës kufitare nga neni 140 par. 1 të KPRK-së, duke vendosur sipas aktakuzës së Prokurorisë Themelore në Mitrovicë - Departamenti i Përgjithshëm PP.II.nr.1633/23 të datës 30.10.2023 dhe kërkesës për shqiptimin e Urdhrit Ndëshkimor, pa mbajtjen e shqyrtimit gjyqësor, jashtë seancës me datë 19.04.2024, mori këtë:

A K T G J Y K I M

PRANOHET Kërkesa e Prokurorisë Themelore në Mitrovicë – Departamenti i Përgjithshëm PP.II.nr.1633/23 të datës 30.10.2023 dhe kjo Gjykatë konform dispozitës të nenit 495 të KPPK-së, jep këtë:

URDHËR NDËSHKIMOR

I pandehuri:

B.V, nga i ati M..., e ëma S..., i lindur me datë, në M..., me vendbanim në fshatin M..., Komuna e L..., me numër personal, ka të kryer shkollën e mesme, i gjendjes së dobët ekonomike, serb, shtetas i Republikës së Kosovës.

ËSHTË FAJTORË

SEPSE:

Me datën 28.09.2023 rreth orës 17:40 minuta, në fshatin Bistricë- Leposaviq, me dashje e kalon kufirin apo vijën kufitare të Republikës së Kosovës përveç në kufirin apo vendkalimin e autorizuar kufitar, dhe atë nga territori i Republikës së Serbisë hynë në territorin e Republikës së Kosovës në atë mënyrë që derisa Njësitit Policor i NJNSH kanë qenë në vëzhgim dhe patrullim të njëjtit kanë vërejtur automjetin e tipit “Opel Corsa”, ngjyrë argjendi me targa, të cilin e kishte drejtuar i pandehuri i cili menjëherë është ndaluar dhe kontrolluar.

-Me këtë ka kryer veprën penale: Kalimi i paautorizuar i vendkalimeve kufitare ose i vijës kufitare nga neni 140 par. 1 të KPRK-së.

Andaj, gjykata në bazë të neneve 1, 4, 7, 17, 21, 38, 40, 43, 69 dhe 140 të KPRK-së, si dhe neneve 364, 449, 452 dhe 495 të KPPK-së:

GJYKON

- I. DËNIM ME GJOBË në shumë prej 250 € (dyqind e pesëdhjetë euro), të cilin dënim është i obliguar që ta paguaj në afat prej 15 ditësh nga dita e plotfuqishmërisë së këtij aktgjykimi. Nëse i pandehuri nuk e paguan gjobën në afatin e caktuar, Gjykata do të veprojë në bazë të nenit 43 par.3 të KPRK-së, ashtu që dënimin me gjobë do t`ia zëvendësoj me dënim me burgim, duke i llogaritur për çdo 20 € (njëzet euro) gjobë me një (1) ditë burgim.
- II. Obligohet i pandehuri që në emër të shpenzimeve procedurale dhe atë në emër të paushallit gjyqësor të paguajnë shumën prej 20 €, ndërsa në emër të taksës për kompensimin e viktimave të krimit shumën prej 20 €, të gjitha këto në afat prej 15 ditësh nga dita e plotfuqishmërisë së këtij aktgjykimi, nën pasojat e përmbarimit të dhunshëm.
- III. Kërkesë pasurore juridike nuk pati.

A r s y e t i m

Prokuroria Themelore në Mitrovicë – Departamenti i Përgjithshëm, ka ngritur aktakuzën PP.II.nr.1633/23 të datës 30.10.2023, kundër të pandehurit B.V për shkak të veprës penale: Kalimi i paaautorizuar i vendkalimeve kufitare ose i vijës kufitare nga neni 140 par. 1 të KPRK-së, dhe njëherësh, nga Gjykata ka kërkuar dhënien e Urdhrit Ndëshkimor-Dënim me gjobë, me arsyetimin se ka prova të besueshme nga kallëzimi penal dhe provat e propozuara lidhur me arsyeshmërinë e aktakuzës së propozuar në drejtim të vërtetimit të fakteve se i pandehuri vërtetë e ka kryer veprën penale për të cilën akuzohet.

Gjykata, me rastin e shqyrtimit paraprak të çështjes, gjeti se aktakuza dhe kërkesa janë të bazuara dhe se janë plotësuar kushtet nga neni 493 i KPPK-së, që të pranohet kërkesa për dhënien e urdhrin ndëshkimor dhe në përputhje me nenin 495 të KPPK-së të jepet aktgjykimi pa u mbajtur shqyrtimi gjyqësor, si në dispozitiv të këtij aktgjykimi, pasi që në shkresat e lëndës ka prova të mjaftueshme në bazë të cilave vërtetohet se i pandehuri e ka kryer veprën penale e cila i vihet në barrë.

Me dispozitat ligjore të Kodit Penal të Republikës së Kosovës (KPRK), për veprën penale Kalimi i paaautorizuar i vendkalimeve kufitare ose i vijës kufitare nga neni 140 par.1 të KPRK-së me të cilën akuzohen të pandehurit, ligjvënësi ka parashikuar dënimin me dyqind e pesëdhjetë (250) Euro gjobë ose me burgim deri në gjashtë (6) muaj, që nënkupton se në rastin konkret zbatohen dispozitat ligjore të procedurës së veçantë nga neni 495 të Kodit të Procedurës Penale të Republikës së Kosovës (KPPK).

Gjykata, konsideron se provat e bashkangjitura në shkresat e lëndës dhe atë: Raporti fillestar i incidentit me numër të rastit 2023-YNC-080 i datës 28.09.2023, raporti i oficerit i datës 28.09.2023, procesverbali mbi intervistimin e të dyshuarit B.V i datës 28.09.2023, kërkimi i personave dhe hyrje daljen për të pandehurin B.V si dhe kërkimi i aotimjetit nga sistemi për menaxhimin e kufirit, fotodokumentacioni si dhe shkresat e tjera të lëndës, janë prova të mjaftueshme mbi bazën e të cilave vërtetohet se në veprimet e të pandehurve manifestohen elementet e veprës penale e cila i vihet në barrë.

Me rastin e caktimit të lartësisë së dënimit me gjobë, konform nenit 69 të KPRK-së, gjykata ka marrë për bazë të gjitha rrethanat që ndikojnë në llojin dhe lartësinë e dënimit, duke konsideruar se dënimi i shqiptuar është dënim i drejtë dhe i ligjshëm dhe është në harmoni me shkallën e përgjegjësisë penale meqë rast vepra penale është kryer me dashje nga ana e të pandehurit dhe rrethanat në të cilat është kryer vepra penale.

Andaj, gjykata vlerëson se me një dënim të tillë do të arrihet qëllimi i dënimit, i cili parashihet me nenin 38 të KPRK-së, që të parandalojë kryesin nga kryerja e veprave penale në të ardhmen dhe të bëjë rehabilitimin e tij, të parandaloj personat e tjerë nga kryerja e veprave penale, të shpreh gjykimin shoqëror për veprën penale, ngritjen e moralit dhe forcimin e detyrimit për respektimin e ligjit, duke vlerësuar se i pandehuri do të përmbahet nga veprime të paligjshme në të ardhmen.

Vendimi për kompensimin e shpenzimeve të procedurës penale dhe të paushallit gjyqësor, u mor në bazë të nenit 449 par. 2 nën par. 2.6 lidhur me par.1 dhe nenit 452 par. 1 të KPPK-së. Ndërsa taksa për kompensimin viktimave të krimit, në kuptim të nenit 36 par. 3 nën. par 3.1 të Ligjit nr.08/L-109 për Kompensimin e Viktimave të Krimit.

Kërkesë pasurore juridike nuk pati, ngase sipas aktakuzës nuk kishte të propozuar palë të dëmtuar.

Nga sa u tha më lartë, u vendos si në dispozitiv të këtij aktgjykimi.

GJYKATA THEMELORE NË MITROVICË-Dega në Leposaviq

Departamenti i Përgjithshëm-Divizioni Penal

P.nr.70/2023, datë 19.04.2024

Bashkëpuntorja profesionale
Edita Koliqi

G j y q t a r j a
Qëndresa Tahiri- Islami

KËSHILLË JURIDIKE: Kundër këtij aktgjykimi i pandehuri ose mbrojtësi i tij mund të drejtë të paraqesin kundërshtim, në afat prej 8 (tetë) ditëve, nga dita e pranimit të tij. Kundërshtimi i parashtrohet kësaj Gjykate.